



Na osnovu člana 21. Zakona o dopunskim pravima branitelja i članova njihovih obitelji, prečišćeni tekst, ("Službene novine Tuzlanskog kantona", broj: 5/12, 5/14 i 12/16), člana 14. Odluke o utvrđivanju uslova, kriterija i postupka za dodjelu stipendija braniteljima i članovima njihove porodice ("Službene novine Tuzlanskog kantona", broj: 16/15 i Odluke o terminu raspisivanja konkursa, broj: 15/1-05-2582/17 od 31.01.2017. godine, Ministarstvo za boračka pitanja Tuzlanskog kantona objavljuje

KONKURS

za dodjelu stipendija redovnim studentima dodiplomskog studija koji su pripadnici branilaca ili članovi njihove porodice Tuzlanskog kantona za studij u studijskoj 2016/2017 godini

I Korisnici prava po ovom Konkursu

Pravo na dodjelu stipendija po ovom Konkursu ima lice iz člana 21. Zakona o dopunskim pravima branitelja i članova njihovih porodica, prečišćeni tekst ("Službene novine Tuzlanskog kantona", broj: 5/12, 5/14 i 12/16 u daljem tekstu: Zakon), odnosno: dijete poginulog, umrlog i nestalog branioca, ratni vojni invalid, dobitnik ratnog priznanja i odlikovanja, demobilisani branilac, dijete ratnog vojnog invalida, dijete dobitnika ratnog priznanja i odlikovanja i dijete demobilisanog branioca (u daljem tekstu: kandidat) ukoliko imaju status redovnog studenta / studenta za vlastite potrebe dodiplomskog studija.

II Uslov za dodjelu stipendija

(1) Pravo na dodjelu stipendije po ovom Konkursu **ima** kandidat pod uslovom da:

- a) ima prijavljeno mjesto prebivališta na području Kantona, odnosno mjesto boravišta u statusu raseljene osobe na području Kantona,
- b) je prije ostvarenog povratka u predratno mjesto prebivališta imao status raseljene osobe na području Kantona,
- c) je u tekućoj godini prvi put upisao određenu godinu studija i
- d) je redovan student visokoškolske ustanove dodiplomskog studija.

(2) Studij na visokoškolskoj ustanovi obuhvata redovni studij prvog ciklusa Bolonjskog sistema studiranja koji se vrednuje sa najmanje 180 odnosno 240 ECTS bodova.

(3) Pravo na dodjelu stipendije po ovom Konkursu **nema** kandidat koji :

- a) studira na visokoškolskoj ustanovi u inozemstvu,
- b) ima status studenta-apsolventa,
- c) je korisnik subvencije za smještaj i ishranu u studentskom domu,
- d) je u tekućoj studijskoj godini, na istom ili drugom fakultetu ponovo upisao istu godinu studija,
- e) već prima stipendiju po drugom osnovu,
- f) je na vanrednom studiju i
- g) živi u porodičnom domaćinstvu gdje se ostvaruju mjesečna novčana primanja po članu domaćinstva veća od 50,1% prosječne neto plaće ostvarene u Federaciji Bosne i Hercegovine (u daljem tekstu: Federacija), u prethodnoj godini prema podacima Zavoda za statistiku Federacije Bosne i Hercegovine.

(4) U slučaju da se naknadno utvrdi postojanje drugačijih činjenica iz stava (3) ove tačke, kandidat se eliminiše iz daljnjeg postupka dodjele stipendije, a isplata već odobrene stipendije se obustavlja.

III Kriteriji za dodjelu stipendija

(1) Lista kandidata se utvrđuje na osnovu ostvarenog broja bodova utvrđenog po osnovu sljedećih kriterija:

- a) ostvarenog uspjeha u prethodno završenoj studijskoj godini,
- b) imovinskog cenzusa,
- c) branilačkog statusa,
- d) ratnih priznanja i odlikovanja,
- e) zdravstvenog stanja i
- f) osvojenih nagrada i plaketa.

IV Izbor kandidata bez bodovanja

- (1) Izuzetno od tačke III ovog konkursa, pravo na dodjelu stipendije bez bodovanja ima:
 - a) kandidat u statusu djeteta šehida-poginulog borca bez oba roditelja,
 - a) kandidat u statusu ratnog vojnog invalida,
 - b) kandidat u statusu dobitnika ratnog priznanja i odlikovanja,
 - c) kandidat u statusu demobilisanog branioca i
 - d) kandidat sa prosjekom ocjena iznad 9.00 u toku studiranja.
- (2) Kandidat iz stava (1) tačka a) i d) pravo na dodjelu stipendije bez bodovanja ima pod uslovom da živi u porodičnom domaćinstvu gdje se ostvaruju mjesečna novčana primanja po članu domaćinstva manja od 50,1% prosječne neto plaće ostvarene u Federaciji Bosne i Hercegovine (u daljem tekstu: Federacija), u prethodnoj godini prema podacima Zavoda za statistiku Federacije Bosne i Hercegovine (u daljem tekstu: Zavod).
- (3) Pod prosjekom ocjena iz stava (1) tačka d) ove tačke podrazumjeva se ukupan prosjek ocjena kandidata u toku studiranja, a u slučaju upisa prve godine fakulteta, prosjek ocjena iz prethodne četiri godine redovnog školovanja.

V Prioritet za dodjelu stipendija

Ukoliko na listi dva ili više kandidata, imaju isti ukupan broj bodova, izuzev kandidata iz člana 7. Odluke, prednost po navedenom redosljedu ima:

- a) djetete poginulog, umrlog, nestalog branioca,
- b) student iz porodice RVI sa većim procentom invaliditeta,
- c) student iz porodice većeg ratnog priznanja i odlikovanja,
- d) student iz porodice DB sa dužim stažom učešća roditelja u OS,
- e) student sa većim prosjekom ocjena i
- f) student lošijeg materijalnog položaja.

VI Prava i obaveze Kandidata i način isplate sredstava

- (1) Kandidat koji ostvari pravo na stipendiju, obavezan je sa Ministarstvom zaključiti Ugovor o stipendiranju, u roku od 30 dana od dana isticanja Konačne liste na web stranici Vlade Tuzlanskog kantona.
- (2) Kandidat koji u navedenom roku ne potpiše ugovor, smatrat će se da je odustao od stipendije.

VII Gubitak prava na stipendiranje

- (1) Korisnik stipendije gubi pravo na dalju isplatu, ako u toku studijske godine:
 - a) bude upućen na izdržavanje kazne zatvora u trajanju dužem od tri mjeseca,
 - b) bude mu izrečena disciplinska mjera isključenja sa univerziteta,
 - c) redovno ne upiše semestar, što se dokazuje uvjerenjem,
 - d) po nekom drugom osnovu prestane mu status redovnog studenta,
 - e) počne da prima stipendiju od drugog davaoca stipendije, od dana početka primanja te stipendije i
 - f) naknadno se utvrdi da su prilikom prijave na konkurs od strane kandidata iznesene netačne činjenice (materijalno stanje kandidata i članova porodice, izjava da ne prima stipendiju iz drugog izvora, i dr).
- (2) Korisnik stipendije dužan je prijaviti svaku nastalu promjenu iz stava (1) ovoga člana.
- (3) U slučajevima iz ove tačke kandidat koji je potpisnik ugovora o stipendiranju, dužan je vratiti sav iznos primljenih sredstava, uz pripadajuću zakonsku kamatu, na način i u rokovima utvrđenim ugovorom.
- (4) Stipendija se isplaćuje u ratama, ovisno od priliva sredstava u Budžet Kantona putem računa kandidata otvorenog kod banke, u skladu sa ugovorom o stipendiranju.

VIII Potrebna dokumentacija

- (1) Uz jednoobrazni zahtjev na konkurs kandidat prilaže dokumentaciju iz Priloga 1. ili Priloga 2. , kako slijedi:

PRILOG 1.
popis potrebne dokumentacije uz zahtjev za dodjelu stipendija
braniocima i članovima njihovih porodica

Redni broj:	Naziv dokumenta	Organ koji ga izdaje dokument
1.	kućna lista kandidata u kojoj su navedeni svi članovi porodičnog domaćinstva, <i>(original ili ovjerena fotokopija)</i> ,	Nadležna gradska/općinska služba
2.	a) za članove PŠ-PB i RVI kopija prvostepenog ili revizionog rješenja (poslednje rješenje na snazi) b) za dobitnika ratnog priznanja i odlikovanja i dijete dobitnika najvišeg ratnog priznanja i odlikovanja, ukoliko nema status člana porodice šehida, poginulog, umrlog i nestalog branioca ili RVI ovjerena fotokopija rješenja o ostvarivanju prava na mjesečni novčani dodatak c) za DB i dijete DB dokaz o pripadnosti branilačkoj populaciji koji izdaje nadležni organ odbrane, <i>dokumenti pod a), b) ili c) moraju biti dostavljeni kao original ili ovjerena fotokopija</i>	Gradska/općinska služba za branilačko invalidsku zaštitu Federalno ministarstvo za pitanja boraca i invalida odbrambeno oslobodilačkog rata - Grupe za pitanja evidencije iz oblasti vojne obaveze
3.	dokaz o priznanjima u OS BiH <i>(original ili ovjerena fotokopija)</i> ,	Federalno ministarstvo za pitanja boraca i invalida odbrambeno oslobodilačkog rata - Grupe za pitanja evidencije iz oblasti vojne obaveze organ koji je izdao priznanje
4.	dokaz o zaposlenju svih punoljetnih članova domaćinstva i visini stalnih izvora prihoda - tri poslednje platne liste i/ili ček od PIO penzije) <i>(original ili ovjerena fotokopija)</i>	Organ /ustanova/preduzeće gdje je kandidat zaposlen ili Poslovnica PIO /MIO
5.	uvjerenje službe za zapošljavanje za sve nezaposlene članove domaćinstva, a ukoliko se isti ne vode na evidenciji službe za zapošljavanje, uvjerenje iz ispostave porezne uprave za sve nezaposlene članove domaćinstva kao dokaz o statusu nezaposlenosti, <i>(original ili ovjerena fotokopija)</i> ,	Služba za za zapošljavanje ili Porezna uprava FBiH Ispostave porezne uprave
6.	uvjerenje iz porezne uprave za kandidata i punoljetne članove domaćinstva <u>o dodatnim prihodima</u> <i>(original ili ovjerena fotokopija)</i> ,	Porezna uprava FBiH Ispostave porezne uprave
7.	uvjerenje o redovnom studiju sa utvrđenim prosjekom ocjena u prethodno završenoj studijskoj godini, a u slučaju upisa prve godine fakulteta prosjek ocjena iz prethodne četiri godine redovnog školovanja <i>(original ili ovjerena fotokopija)</i>	Ustanove visokog obrazovanja
8.	dokaz o osvojenim nagradama i priznanjima u školskim i nastavnim aktivnostima iz prethodne školske/studijske godine <i>(ovjerena fotokopija)</i>	Obrazovne ustanove
9.	ovjeren dokaz o nekorisćenju prava na subvencioniranje troškova smještaja i ishrane u studentskom domu, za studente koji studiraju na području drugih kantona, <i>(original ili ovjerena fotokopija)</i> , Za studente koji studiraju na području Tuzlanskog kantona, navedeni dokaz će se pribaviti službenim putem	Ustanove za smještaj studenata (domovi)
10.	uvjerenje o redovnom školovanju/studiranju, (original ili ovjerena fotokopija) u slučaju da se iz jedne porodice istovremeno redovno školuje više od jednog studenta/učenika	Ustanove visokog /srednjeg obrazovanja
11.	izjava da kandidat ne prima stipendiju po drugom osnovu ovjerenu od strane nadležnog općinskog organa uprave ili notara (original)	Nadležna gradska/općinska služba ili notar

12.	dokaz o zdravstvenom stanju kandidata ili člana domaćinstva izdat od strane ovlaštene zdravstvene ustanove i stručnog tima - konzilijuma, <i>ne stariji od šest mjeseci</i> samo za sledeća oboljenja: <i>respiratorne bolesti</i> (bolesti pluća praćene trajnim oštećenjem respiratorne funkcije (sa vrijednostima FVC, FEV 1 I FEV 1- FVC ispod 40%, apsces pluća i medij astinuma, piotorax i respiratorni distres sindrom); <i>bolesti koštano - mišićnog sistema i vezivnog tkiva</i> (direktna infekcija zglobova kod infektivnih i parazitenih oboljenja, seropozitivni reumativni artitis kada je bolesnik nesposoban za bilo kakve aktivnosti ili vezan za postelju i invalidska kolica, ankilozirajući spondilitis, protruzija intervertebralnog diskusa praćene komplikacijama (težim funkcionalnim oštećenjem nerava, mišića, popuštanjem sfinktera) zahtjevaju intezivan i dugotrajan tretman, kao i bolesti koje uzrokuju ozbiljne funkcionalne smetnje i lokomotornog aparata, vežu bolesnika za postelju i trajno ga onemogućavaju u svakodnevnim radnim aktivnostima); <i>neuromišićne bolesti</i> (progresivna neuromišićna oboljenja, multipla skleroza, mijastenija gravis, epilepsija nekontrolisana ili rezistentna na terapiju i nezarazni encefalitis i encefalomijalitis); <i>specifična stanja koja zahtijevaju skupi i doživotni tretman</i> (transplantacije organa, transplantacija koštane srži, stanja poslije operativnih zahvata na srcu, mozgu i plućima koja zahtijeva duže bolničko liječenje, rehabilitaciju i intenzivni medikamentozni tretman) i <i>ostala oboljenja</i> (infarkt (srčani ili moždani), maligni tumori) (<i>original ili ovjerena fotokopija</i>),	JZU UKC
-----	--	---------

(2) Udove koje pravo na PIO/MIO koriste kao staratelji djece, pored čeka PIO/MIO OBAVEZNE su dostaviti i dokaz o radno pravnom statusu-kumulativno (tačka 4. i 5.)

(3) Uz dokumentaciju prilaže se i fotokopija žiro računa otvorene kod poslovne banke, na ime STUDENTA.

PRILOG 2.
popis potrebne dokumentacije uz zahtjev za dodjelu stipendija
IZUZETNO USPJEŠNIM STUDENTIMA
iz reda branioca i članova njihovih porodica

Redni broj:	Naziv dokumenta	Organ koji ga izdaje dokument
1.	kućna lista kandidata u kojoj su navedeni svi članovi porodičnog domaćinstva, (<i>original ili ovjerena fotokopija</i>),	Nadležna gradska/općinska služba
2.	a) za članove PŠ-PB i RVI kopija prvostepenog ili revizionog rješenja (posljednje rješenje na snazi) b) za dobitnika ratnog priznanja i odlikovanja i dijete dobitnika najvišeg ratnog priznanja i odlikovanja, ukoliko nema status člana porodice šehida, poginulog, umrlog i nestalog branioca ili RVI ovjerena fotokopija rješenja o ostvarivanju prava na mjesečni novčani dodatak c) za DB i dijete DB dokaz o pripadnosti branilačkoj populaciji koji izdaje nadležni organ odbrane, <i>dokumenti pod a), b) ili c) moraju biti dostavljeni kao original ili ovjerena fotokopija</i>	Gradska/Općinska služba za branilačko invalidsku zaštitu Federalno ministarstvo za pitanja boraca i invalida odbrambeno oslobodilačkog rata- Grupe za pitanja evidencije iz oblasti vojne obaveze
3.	uvjerenje o redovnom školovanju sa utvrđenim prosjekom ocjena u svim prethodno završenim školskim godinama, a u slučaju upisa prve godine fakulteta prosjek ocjena iz prethodne četiri godine redovnog školovanja (<i>original ili ovjerena fotokopija</i>)	Ustanove srednjeg obrazovanja
4.	uvjerenje o redovnom studiju sa utvrđenim prosjekom ocjena u	

	svim prethodno završenim godinama studiranja (<i>original ili ovjerena fotokopija</i>)	Ustanove visokog obrazovanja
5.	dokaz o zaposlenju svih punoljetnih članova domaćinstva i visini stalnih izvora prihoda -ftc. tri posljednje platne liste i/ili ček od PIO penzije) (<i>original ili ovjerena fotokopija</i>)	Organ /ustanova/preduzeće gdje je kandidat zaposlen ili Poslovnica PIO /MIO
6.	uvjerenje iz porezne uprave za kandidata i punoljetne članove domaćinstva o <u> dodatnim prihodima</u> (<i>original ili ovjerena fotokopija</i>),	Porezna uprava FBiH Ispostave porezne uprave
7.	uvjerenje službe za zapošljavanje za sve nezaposlene članove domaćinstva, a ukoliko se isti ne vode na evidenciji službe za zapošljavanje, uvjerenje iz ispostave porezne uprave za sve nezaposlene članove domaćinstva kao dokaz o statusu nezaposlenosti, (<i>original ili ovjerena fotokopija</i>),	Služba za zapošljavanje ili Porezna uprava FBiH Ispostave porezne uprave
8.	izjava da kandidat ne prima stipendiju po drugom osnovu ovjerenu od strane nadležnog gradskog/općinskog organa uprave ili notara (original),	Nadležna gradska/ općinska služba ili notar
9.	ovjeren dokaz o nekorištenju prava na subvencioniranje troškova smještaja i ishrane u studentskom domu, za studente koji studiraju na području drugih kantona, (<i>original ili ovjerena fotokopija</i> , Za studente koji studiraju na području Tuzlanskog kantona, navedeni dokaz će se pribaviti službenim putem	Ustanove za smještaj studenata (domovi)

(4) Udove koje pravo na PIO/MIO koriste kao staratelji djece, pored čeka PIO/MIO OBAVEZNE su dostaviti i dokaz o radno pravnom statusu-kumulativno (tačka 5. i 7.).

(5) Uz dokumentaciju prilaže se i fotokopija žiro računa otvorene kod poslovne banke, na ime STUDENTA.

IX Rokovi za podnošenje zahtjeva

(1) Rok za podnošenje prijava po ovom Konkursu je 15 dana od dana objavljivanja na web-stranici Vlade Kantona, odnosno od **01.02.2017. -16.02.2017. godine (četvrtak).**

(2) Činjenice i dokazi iz dostavljenih prijava uzimaju se u razmatranje onakve kakve su postojale u momentu-danu zaključenja Konkursa.

(3) Popunjeni jednoobrazni zahtjev, sa potrebnom dokumentacijom, podnosi se u zapečaćenoj koverti putem pošte ili na pisarnicu Zajedničkih službi kantonalnih organa na adresu: Tuzlanski kanton, Ministarstvo za boračka pitanja Tuzlanskog kantona, Rudarska broj: 57., 75 000 Tuzla,[sa naznakom] "Prijava na Konkurs za dodjelu stipendija studentima branilačke populacije Tuzlanskog kantona za školsku 2016/2017 godinu"

(4) Obrazac zahtjeva, spisak potrebne dokumentacije i izjavu zainteresovan kandidat može preuzeti:

- sa web stranice Vlade Tuzlanskog kantona,
- u gradskoj /općinskoj službi za branilačko invalidsku zaštitu i
- u kantonalnim branilačkim savezima i udruženjima.

Nepotpuni i neblagovremeni zahtjevi neće se razmatrati.

MINISTARSTVO ZA BORAČKA PITANJA

**MINISTARSTVO ZA BORAČKA PITANJA
TUZLANSKOG KANTONA**

**Predmet: Zahtjev za dodjelu stipendije redovnim studentima dodiplomskog studija
branilačke populacije Tuzlanskog kantona za studij u akademskoj
2016/2017 godini**

I OPĆI PODACI:

1. Prezime (ime jednog roditelja) i ime studenta

2. Naziv Univerziteta-fakulteta _____
u mjestu _____
3. Sadašnja adresa stanovanja: _____
grad/ općina _____
4. Kontakt telefon: _____ mob _____, e mail adresa

5. Prava iz boračko invalidske zaštite roditelj/staratelj ili student ostvaruje u
gradu/općini: _____
6. Broj žiro računa **studenta** otvorenog kod poslovne banke i pun naziv poslovne
banke: _____

II STATUS:

1. student u statusu RVI, DRP i DB (zaokružiti status),
2. student u statusu djeteta poginulog, umrlog i nestalog branioca bez oba roditelja,
3. student u statusu djeteta poginulog, umrlog i nestalog branioca,
4. student u statusu djeteta ratnog vojnog invalida,
5. student u statusu djeteta dobitnika ratnog priznanja i odlikovanja i
6. student u statusu djeteta demobilisanog branioca.

Pod punom materijalnom i krivičnom odgovornošću tvrdim da su naprijed navedeni podaci tačni.

Datum podnošenja zahtjeva _____ godine

Potpis podnosioca zahtjeva

(prezime, ime jednog roditelja, ime)

(adresa stanovanja-ulica, broj, poštanski broj i mjesto)

(broj kontakt telefona, e-mail)

I Z J A V A

Ja, _____ iz grada/općine
_____,

(prezime, ime jednog roditelja, ime)

pod punom moralnom, materijalnom i krivičnom odgovornošću, izjavljujem da:

a) nisam korisnik stipendije po drugom osnovu,

b) moje maloljetno dijete/pastorak/usvojenik/štićenik _____
nije korisnik stipendije po drugom osnovu.

(Zaokružiti opciju a) ili b) u zavisnosti od statusa kandidata)

Napomena:

Izjava mora biti ovjerena od strane nadležnog gradskog/općinskog organa uprave ili notara i predaje se kao original.

Dana _____,

DAVALAC IZJAVE
